

UMUNSI WA MBERE

Insanganyamatsiko

Int. 1,28 “Imana ibaha umugisha, irababwira iti: “Nimwororoke, mugwire, mukwire isi yose”. (Urup. 22)

Umuyoboro w’ibitekerezo

Kubyara ni ubutumwa Imana yahaye umugabo n’umugore imaze kubarema no kubaha umugisha.

- Ese abashakanye biyumvisha neza ubwo butumwa?
- Babwakira bate?
- Ese baba babwishimiye?
- Muri ubwo butumwa nta mbogamizi bahura nazo?
- Niba zihari ni izihe?
- Hakorwa iki kugira ngo zikumirwe?

Umugambi: “Duhe agaciro inyigisho za Kiliziya ku Isakramentu ryo gushyingirwa”.

Indirimbo: Singizwa N°8 “Urukundo unkunda”. Urup.51

UMUNSI WA KABIRI

Insanganyamatsiko

“Umuryango, ishuri ry’ibanze”.

Umuyoboro w’ibitekerezo

- Ese ababyeyi baba bazi inshingano zabo?
- Bitabira bate inshingano yo kurera?
- Batanga ubuhe burere?
- Ni uruhe ruhare rw’umugabo n’umugore mu burere bw’umwana?
- Baba bumva se ko kwita ku burere bw’umwana ari ngombwa?
- Baba babona igihe gihagije cyo kubwitaho?
- Ni uruhe rugero rw’ababyeyi mu burere bw’umwana muri iki gihe?

Umugambi: Imig 22,6 “Nutoza umwana muto inzira agomba gukurikira, naba n’umusaza ntazayiteshukaho”. Urup. 1105

Indirimbo: X19 “Ha ababyeyi kukurerera neza ha n’abana gukurana urukundo” (igitero cya kane) Igitabo cy’umukristu urup.392

UMUNSI WA GATATU

Insanganyamatsiko

Insanganyamatsiko
“Kurera abana gikristu”.

Umuyoboro w’ibitekerezo

- Ni iyihe myitwarire y’ingo z’iwanyu mu burere bw’abana?
- Twaba tuzi ko urugo rwa gikristu ari Kiliziya y’ibanze?
- Ese ingo zacu zaba zitoza ubukristu abana bazirerwamo?
- Bikorwa mu buhe buryo?
- Bitanga uwuhe musaruro?
- Ni izihe ngorane muhura nazo?
- Ni ibiki biranga umwana warezwe gikristu?

Umugambi: Ef.6, 4 “Namwe babyeyi, ntimugakure umutima abana banyu, ahubwo mubarere neza, mubakosore kandi mubagire inama zikomoka kuri Nyagasani”. Urup. 2052

Indirimbo: Singizwa N°8. Erekeza umutima wawe ku Mana.

UMUNSI WA KANE

Insanganyamatsiko

“Umwana ni uwa twese”

Umuyoboro w’ibitekerezo

- Uburere bw’umwana ntibureba ababyeyi be gusa
- Abandi bureba ni bande?
- Ubufatanye bwabo buhagaze bute?
- Muri ubwo bufatanye ni iki cyakwitabwaho?
- Byatanga uwuhe musaruro?
- Hakorwa iki kugira ngo bigerweho?
- Hakwifashishwa iki?

Umugambi: “*Inkingi imwe ntigera inzu*”

Indirimbo: Z33 “Mbega ngo biraba byiza” (Igitabo cy’umukristu urup.466)

UMUNSI WA GATANU

Insanganyamatsiko

“Uburere bw’umwana muri ibi bihe”

Umuyoboro w’ibitekerezo

- Muri iki gihe uburere bw’umwana bwugarijwe n’ibibazo by’insobe.
- Hari imitego mwaba muzi uburere bw’umwana buhura nayo muri iki gihe?
- Niba ihari ni iyihe?
- By’umwihariko iyo muhura nayo iwanyu ni iyihe?
- Yaba iterwa n’iki?
- Hakorwa iki kugira ngo muyigobotore?
- Ni uruhe ruhare rw’umwana kugira ngo yirinde kugwa muri iyo mitego?
- Ababyeyi bo se?

Umugambi: Rom, 12,2 “Kandi ntimukigane ibi bihe turimo, ahubwo nimuhinduke, mwivugururemo ibitekerezo, kugira ngo muzajye mumenya neza ugushaka kw’Imana, ikiri cyiza, icyashimisha n’ikiboneye”. Urup. 1988

UMUNSI WA GATANDATU

Insanganyamatsiko

“Impano isumba izindi umubyeyi ashobora guha umwana ni uburere bwiza”

Umuyoboro w’ibitekerezo

- Ese ababyeyi biyumvisha neza ko impano isumba izindi bashobora guha umwana wabo ari uburere bwiza?
- Uburere bwiza ababyeyi babwumva gute?
- Uburere bwiza ni ubuhe?
- Twabugeraho dute?
- Twabifashwamo n’iki?

Umugambi: Tim. 4, 12b “Ahubwo uzabere abayoboke urugero, ari mu magambo, ari mu migenzereze, mu rukundo, mu kwemera, no mu budahemuka”.

Indirimbo: Singizwa N°7. “Uhoraho wantwaye umutima”. Urup. 57)

UMUNSI WA KARINDWI

Insanganyamatsiko

“Umuryango mwiza utanga intore zizihye Kiliziya n’abageni babereye Igihugu”.

Umuyoboro w’ibitekerezo

- Umwana uzi ubwenge bamusiga yinogereza.
- Ese imvugo nk’iyi abana bayumva gute?
- Yakirwa ite mu gihe tugezemo?
- Yaba ishyirwa mu bikorwa?
- Mu buhe buryo?
- Umusaruro uboneka wifashe ute?
- Tuwubungabunga dute?

Umugambi: “Ukwibyara gutera ababyeyi ineza”

Indirimbo: Singizwa N°7. “Komeza intambwe zanjye” urup.51

UMUNSI WA MUNANI

Insanganyamatsiko

“Kurera ni uguhozaho”

Umuyoboro w’ibitekerezo

- Ese ababyeyi niko babyumva?
- Abana bo babyumva bate?
- Babyakira bate?
- Abana baba bemera impanuro bahabwa?
- Abazakira zibageza ku ki?
- Abataziha agaciro bahagaze bate?
- Ari abarera n’abarerwa Kiliziya bayitezeho iki?

Umugambi: “Umwana ufite uburere bwiza ni ishema ry’Igihugu na Kiliziya”.

Indirimbo: Singizwa N°7 “Byose bihira abakunda Imana”. Urup.33

UMUNSI WA CYENDA

Insanganyamatsiko:

“Ejo hazaza h’iyi si hashingiye ku muryango” (Saint J.Paul II)

Umuyoboro w’ibitekerezo

- Uburere bwiza dukomora mu muryango butanga icyizere cy’ejo hazaza.
- Ubwo burere bwaba aribwo butangwa?
- Buhera ryari?
- Butangwa gute?
- Komisiyo y’Umuryango yaba ibegera?
- Iyo Komisiyo yabafasha iki?
- Iyi Noveni ibasigiye iki?

Umugambi: “Turerere Igihugu na Kiliziya”

Indirimbo: Singizwa N°7. “Nzaterura ndirimbe ibisingizo” Urup.45.

Isengesho ryo gusabira ingo

Mana Data, ni wowe washatse ko Umwana wawe avukira mu rugo rumeze nk’izindi zose kandi akarukuriramo. Mu mibereho isanzwe y’urugo yabanyaga Mariya na Yozefu, maze bamutoza imico nyayo, kandi bamufasha kugenda arushaho gusobanukirwa n’ubutumwa ashinzwe ku isi.

Nuko rero Dawe, turakwinginze, uhe ingo ziriho muri iki gihe gusugira, kunga ubumwe no gushinga imizi ihamye. Uhe buri muntu mu bazituye gusagamba mu byishimo byo kumva ko ari kumwe n’abandi, kandi anogerwe no kubagirira imbabazi. Fasha ingo zose gutega amatwi amajwi y’abaziyambaza, no kwihutira kubakirana urugwiro.

Mana Data, wowe Nyir’ubuntu butagira urugero, rebana impuhwe ingo zose ziri mu ngorane z’indwara, urupfu, ubwumvikane buke n’ubuta-ndukane, abazituye ubahe kukwemera no kukwizera, maze bakurizeho na bo ubwabo kwizerana. Ufashe buri rugo kwakira Roho Mutagatifu wawe, no kwemera buri muni kuyoborwa na We, maze ingo zose zibe ishingiro rya Kiliziya n’isoko y’amajyambere nyakuri. Ku bwa Yezu Kristu, Umwami wacu. Amen.

**UMUNSI MWIZA W’URUGO RUTAGATIFU
N’UMWAKA MUSHYA MUHIRE W’I 2017**

**Commission Episcopale pour la Famille
B.P. 357 Kigali**

**NOVENI ITEGURA UMUNSI MUKURU W’UMURYANGO
30 Ukuboza 2016**

«*Dutegure umuryango w’ejo twita ku burere bw’umwana*».



Ijambo ry’ibanze

Muri gahunda y’Imana kubyara ni ubutumwa Imana yahaye umugabo n’umugore imaze kubarema no kubaha umugisha.

« Nuko Imana irema umuntu mu ishusho ryayo ibarema ari umugabo n’umugore ibaha umugisha, irababwira iti: Nimwororoke ». (Int.1,27-28).

Abana rero ni ingabire y’Imana n’umugisha wayo
« Ni ukuri koko, abana umuntu abyaye ni ingabire y’Uhoraho, abuzukuru n’abuzukuruza ni ingororano imuturukaho. ». (Z. 127,3).

Kubera ariko ntibihagije, ababyeyi bafite inshingano yo gufata iya mbere mu kwita ku burere bw’umwana kuva agisamwa .

Ni koko kandi « Uburere buruta ubuvuke ».

Kubera iyo mpamvu ababyeyi bagomba gutegurira umwana kuba umukristu uzavamo umubyeyi ubereye igihugu na Kiliziya. Ni muri urwo rwego, Komisiyo y’Inama y’Abepiskopi Gatolika ishinze umuryango mu rwego rw’igihugu yateguye Noveni izadufasha kwitegura no guhimba umunsi mukuru w’Umuryango Mutagatifu uzaba tariki ya 30 Ukuboza 2016. Iyo Noveni ifite insanganyamatsiko igira iti: « Dutegure umuryango w’ejo twita ku burere bw’umwana ». Izadufasha kuzirikana ku nshingano z’ababyeyi mu burere bw’umwana we mizero y’igihugu na Kiliziya.

Iyi Noveni izatangira ku wa gatanu tariki ya 21 Ukuboza irangire ku wa kane tariki ya 29 Ukuboza 2016.

Noheli nziza n’umwaka mushya muhire w’i 2017

Komisiyo y’Abepiskopi Gatolika ishinze umuryango.